



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 02-04-37842-4/21
Sarajevo, 22.10.2021. godine

Na osnovu čl. 70. stav (3) Zakona o javnim nabavkama („Službeni glasnik BiH”, broj 39/14 - u daljem tekstu: Zakon o javnim nabavkama), Ugovorni organ Ministarstvo privrede Kantona Sarajevo u pregovaračkom postupku bez objave obavještenja sa jednim ponuđačem, za dodjelu ugovora o nabavci usluga za realizaciju i organizaciju učešća na Svjetskoj izložbi EXPO 2020 Dubai, objavljenom u skladu sa odredbama člana 28. stav 4. Zakona o javnim nabavkama („Službeni glasnik Bosne i Hercegovine“, 39/14), dana 13.10.2021. godine na zvaničnoj web stranici Ministarstva privrede Kantona Sarajevo, pokrenutom u skladu sa Zaključkom Vlade Kantona Sarajevo broj: 02-04-37842-2/21 od 12.10.2021. godine, a na osnovu Odluke o pokretanju pregovaračkog postupka bez objave obavještenja sa jednim ponuđačem za nabavku usluga za realizaciju i organizaciju učešća na Svjetskoj izložbi EXPO 2020 Dubai broj: 07-01-11-37875-1/21 od 10.10.2021. godine, shodno odredbama člana 21. pod c i d Zakona o javnim nabavkama, te na prijedlog Komisije za javne nabavke, imenovane Rješenjem broj: 07-01-11-37875-2/21 od 13.10.2021. godine, d o n o s i

ODLUKU
o izboru ponuđača

I

Za Javnu nabavku usluga za realizaciju i organizaciju učešća na Svjetskoj izložbi EXPO 2020 Dubai, izabran je ponuđač - EXPO DUBAI 2020 LLC.-SO, u pregovaračkom postupku bez objave obavještenja, te će se izabranom ponuđaču dodijeliti ugovor shodno odredbama člana 98. stav 2. tačka a Zakona o javnim nabavkama, ukupne vrijednosti u iznosu od 2.040.054,82 EUR bez PDV-a, a što iznosi 3.990.000,42 KM bez PDV-a.

II

Za realizaciju Ugovora nadležno je Ministarstvo privrede Kantona Sarajevo.

III

Odluka o izboru ponuđača će biti objavljena na zvaničnoj web stranici Ministarstva privrede Kantona Sarajevo, dok će se Obavještenje o dodjeli ugovora objaviti na Portalu Agencije za javne nabavke BiH, u roku od 30 dana od dana obostranog potpisivanja ugovora dodijeljenog u ovom postupku.

IV

Ova odluka postaje pravosnažna danom obostranog potpisa Ugovora iz tačke I ove Odluke.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1



Obrazloženje

Ministarsvo privrede Kantona Sarajevo, sa adresom Reisa Džemaludina Čauševića br.1, Sarajevo kao Ugovorni organ, na osnovu Odluke o pokretanju pregovaračkog postupka bez objave obavještenja sa jednim ponuđačem za nabavku usluga za realizaciju i organizaciju učešća na Svjetskoj izložbi EXPO 2020 Dubai broj: 07-01-11-37875-1/21 od 10.10.2021. godine, pokrenuo je pregovarački postupak, bez objave obavještenja o nabavci usluga za realizaciju i organizaciju učešća na Svjetskoj izložbi EXPO 2020 Dubai.

U predmetnom postupku javne nabavke, na osnovu Poziva za dostavu Zahtjeva za učešće, broj: 07-01-11-37875-3/21 od 13.10.2021. godine, dostavljenom ponuđaču putem e-maila, kao načinom korespondencije u predmetnom postupku, EXPO DUBAI 2020 LLC.-SO dostavio je popunjen RFQ (Zahtjev za učešće u postupku) zajedno sa obrascem za dostavu ponude, za nabavku usluga za realizaciju i organizaciju učešća na Svjetskoj izložbi EXPO 2020 Dubai, do dana 19.10.2021. godine.

Komisija za javne nabavke je utvrdila da Ponuda za učešće pozvanog kandidata EXPO DUBAI 2020 LLC.-SO, sadržava traženu dokumentaciju iz Poziva, te da je ista potpuna i da ispunjava sve uslove zahtjevane Tenderskom dokumentacijom, kao i da je dostavljena početna ponuda u iznosu od 2.040.054,82 EUR bez PDV-a, odnosno 3.990.000,42 KM baz PDV-a.

Nakon zaprimanja početne Ponude, Komisija je utvrdila da se ista odnosi na period trajanja Svjetske izložbe EXPO 2020 Dubai, čije je zvanično otvorenje 01.10.2021. godine, a zvanično zatvaranje 31.03.2022. godine, te da Ugovorni organ shodno opravdanim okolnostima nije bio u mogućnosti da učestvuje na Svjetskoj izložbi EXPO 2020 Dubai od dana otvorenja, pa je imajući u vidu naprijed navedeno, Komisija predložila umanjnje početne Ponude za period u kojem Ugovorni organ nije koristio usluge iz dostavljene Ponude.

Ponuđač se izjasnio da početna Ponuda predstavlja ujedno i konačnu Ponudu Ponuđača, jer nije u mogućnosti umanjiti vrijednost početne ponude. Imajući u vidu navedeno imenovana Komisija za javne nabavke je predložila ugovornom organu da dodijeli ugovor ponuđaču EXPO DUBAI 2020 LLC.-SO.

Na osnovu navedenog odlučeno je kao u dispozitivu.

Ova Odluka dostavit će se Ponuđaču, istog dana, putem e-maila, kao načinom korespondencije.

Pouka o pravnom lijeku: Saglasno odredbama člana 101. Zakona o javnim nabavkama ponuđač ima pravo izjaviti žalbu, u pisanoj formi, ovom Ministarstvu, kao Ugovornom organu, u roku od (10) deset dana od dana dodjele Ugovora.

Dostavljeno:

- Ponuđaču EXPO DUBAI 2020 LLC.-SO
- u dokumentaciju predmetne nabavke
- a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

